

Interim, dum Antiphona cantatur, Pontifex incensat super altare in modum crucis: Quo facto redit ad secundum altare, incensat ut supra, et sic in reliquis. Deinde revertitur ad altare majus, et Antiphona finita, Pontifex eam reincipit, et schola prosequitur; et interim iterum ipse Pontifex super primum altare et reliqua altaria in modum crucis incensat, quod et tertio facit; quo facto, stans ante medium primi altaris, dicit:

Orémus.

**D**escéndat, quæsumus Dómine Deus noster, Spiritus tuus sanctus super hæc altária, qui et dona nostra, et pópuli tui in eis sanctificet, et suméntium corda dignánte emúndet. Per Christum Dóminum nostrum. *R.* Amen.

Orémus.

**O**mnípotens sempitérne Deus, altária hæc nómini tuo dedicáta cœléstis virtútis benedictióne sancti ✠ fica; et ómnibus in te sperántibus auxilií tui munus osténde; ut hic sacramentórum virtus, et votórum obtineátur efféctus. Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus, per ómnia sácula sæculórum.

*V.* Dóminus vobiscum. *R.* Et cum spíritu tuo.

*V.* Benedicámus Dómino. *R.* Deo grátias.

Quo dicto, Pontifex accedit ad sacristiam, sive sacrarium, ubi, deposito pluviali, si celebrare voluerit, quod conveniens est, accipit sandalia, dicens Psalmum. Quam dilécta. cum aliis; deinde, lotis manibus, accipit omnia paramenta Pontificalia albi coloris. Interim ornatur Ecclesia, et luminaria super altaribus, et credentia, atque alibi, ubi placuerit, accenduntur. Tunc exit Pontifex Missam celebraturus. Si vero fatigatus nimis celebrare noluerit, facit Missam solemniter per aliquem Sacerdotem celebrari.

Missæ dicitur prout in Missali, in ipsa die Dedicacionis Ecclesiæ.

In fine Pontifex dat Benedictionem solemnem, dicens: Sit nomen Dómini benedíctum, etc.

Et Indulgentias supra declaratas. Quibus publicatis, revertitur ad sacristiam, ubi depositis sacris vestibus, vadit in pace.

Deinde cineres per Ecclesiam aspersi, in quibus litteræ Græcæ et Latine scriptæ sunt, per ministros Ecclesiæ tolluntur, et Ecclesia totaliter mundatur.

## DE ALTARIUM CONSECRATIONE, QUÆ FIT SINE ECCLESIAE DEDICATIONE.



**A**ltarium consecratio, quamvis omni die de jure fieri possit, decentius tamen in Dominicis diebus, vel Sanctorum solemnitatibus fit. Sane sero ante diem consecrationis, Pontifex parat Reliquias in altaribus consecrandis includendas, ponens eas pro quolibet altari in decenti et mundo vasculo, cum tribus granis thuris; ponit etiam in eo chartulam de pergamento, scriptam sub hac forma:

*M. DCCC. . . . etc. die N. mensis N. Ego N. Episcopus N. consecravi altare hoc in honorem sancti N. et Reliquias sanctorum Martyrum N. et N. in eo inclusi, et singulis Christi fidelibus, hodie unum annum, et in die anniversario consecrationis hujusmodi ipsum visitantibus quadraginta dies de vera indulgentia, in forma Ecclesiæ consueta concessi.*

Sigillans ipsa vascula diligenter, et in honesto et mundo loco ponens, cum duobus candelabris, et luminaribus ardentibus. Celebrandæque sunt Vigiliæ ante Reliquias ipsas, et canendi Nocturni, et Matutinæ Laudes, in honorem Sanctorum, quorum Reliquiæ sunt recondendæ.

Parantur etiam in Ecclesia, quæ ad altarium consecrationem sunt necessaria, videlicet sanctum Chrisma in vasculo, et ampulla; oleum sanctum Catechumenorum, etiam in vasculo, et ampulla; sufficiens quantitas thuris, cujus medietas sit in granis; thuribulum cum navicula, et cochleari; vas cum prunis ardentibus; vas aqua plenum, quod in presbyterio ponitur; vas cum cineribus; vas cum sale; vas vini; aspersorium factum de herba hyssopi; mantilia ex tela grossa, ad extergendas mensas altarium consecrandorum, quoties expedierit; coopertura linea cerata ad mensuram uniuscujusque altaris consecrandi; quinque cruces parvæ factæ de candelis ceræ subtilibus pro quolibet altari consecrandi; aliquæ spatulæ ligneæ parvæ, ad abradendum de altaribus combustiones candelarum, et thuris; vas, in quo ipsæ rasuræ deponantur; calx, arena; sive tegula trita ad faciendum cæmentum, pro liniendis sepulchris Reliquiarum, et junctura mensæ cujuslibet altaris cum stipite; cæmentarius, qui hoc agat; duo intortitia accensa, quæ semper præcedant Pontificem, quocumque ierit; vas cum aqua, ad abluendas manus Pontificis; et medulla panis, ac mantilia, pro extergendis manibus; bombyx pro extergenda cruce, quæ fit in stipite uniuscujusque altaris; tobaleæ novæ mundæ; et vasa, atque ornamenta ad cultum Dei, et altarium, postquam consecrata fuerint, pertinentia benedicenda.

Pontifex mane in suo habitu quotidiano venit ad Ecclesiam, et sedens in sede ad dexteram, vel in faldistorio ad sinistram primi altaris consecrandi, incipit et dicit voce submissa cum clericis septem Psalmos cum Antiphona: Ne reminiscáris, etc. pag. 62. Induens interim amictum, albam, cingulum, stolam, et pluviale albi coloris, accipiens mitram simplicem in capite, et baculum Pastoralem in manu sinistra. Sicque paratus, septem Psalmis expletis, Pontifex cum ministris accedit coram primo altari consecrandi; ubi deposito baculo Pastoralis, et stans sine mitra inchoat, et schola prosequitur sequentem Antiphonam.

*Ant.* Adéstó Deus, \* unus omnípotens, Pater, et Fílius, et Spíritus sanctus.

Deinde dicit, stans eodem modo:

Orémus.

**A**ctiões nostras, quæsumus Dómine, aspirándo præveni, et adjuvándó proséquere: ut cuncta nostra orátio, et operátio a te semper incípiat, et per te cœpta finiátur. Per Christum Dóminum nostrum. *R.* Amen.

Qua dicta, Pontifex accepta mitra, procumbit super faldistorium ibidem præparatum, et cantores incipiunt Litanias, pag. 18. vel cantoribus deficientibus, Pontifex eas legit, in quibus suo loco nominentur bis Sancti illi, in quorum honore, et nomine dedicantur ipsa altaria, et illi, quorum Reliquiæ in eis includuntur. Postquam autem dictum fuerit:

Ut ómnibus fidélibus, etc.

*R.* Te rogámus, audi nos.

Pontifex ab accubitu surgit, et baculum Pastoralem in sinistra tenens, dexteram in altum extendens, producit communiter super aras, et stipites altarium consecrandorum ter successive signum crucis, dicens primo:

**U**t altaria hæc ad honorem tuum, et nomen Sanctorum N. N. consecranda bene ✠ dicere digneris.

**R.** Te rogamus, audi nos.

Secundo dicit:

Ut altaria hæc ad honorem tuum, et nomen Sanctorum N. N. consecranda bene ✠ dicere, et sancti ✠ ficare digneris.

**R.** Te rogamus, audi nos.

Tertio dicit:

Ut altaria hæc, ad honorem tuum, et nomen Sanctorum N. N. consecranda bene ✠ dicere, sancti ✠ ficare, et conse ✠ crare digneris.

**R.** Te rogamus, audi nos.

Quo dicto, et deposito baculo Pastoralis, iterum accumbit super faldistorium, et perficiuntur Litanie. Quibus finitis, ab accubitu surgit, et cum mitra accedit versus primum altare consecrandum, et distans ab illo spatio congruenti, deposita mitra, genuflexus dicit cantando, si in cantu fit officium, alioquin competenti voce dicit sine notis quod etiam in omnibus aliis sequentibus observatur.

Deus in adiutorium meum intende.

Quo dicto, Pontifice surgente, chorus seu ministri respondent:

Domine ad adiuvandum me festina.

Tunc Pontifex stans sine mitra in eodem loco, dicit:

Gloria Patri, et Filio, et Spiritui sancto.

Chorus, seu ministri respondent:

Sicut erat in principio, et nunc, et semper: et in sæcula sæculorum. Amen.

Sine Alleluja. Et id eisdem modo et loco, secundo et tertio fit, voce semper altius elevata. Quibus dictis, Pontifex stans in eodem loco cum mitra benedicit aquam cum sale, cinere, et vino, incipiens absolute exorcismum salis; et faciens, prout habetur supra sub Ecclesiæ Dedicacione. pag. 407. usque ad Orationem.

**O**mnipotens sempiternus Deus, creator, et conservator humani generis, etc. inclusive.

Post hæc Pontifex procedit ad primum altare cum mitra, et ibidem inchoat, schola prosequente, Antiphonam sequi.

Introibo ad altare Dei: \* ad Deum qui lætificat juventutem meam.

Ps. 42. Iudica me, Deus. pag. 134.

Et non dicitur Gloria Patri, sed Antiphona prædicta repetitur:

Incepta prima Antiphona, Pontifex, retenta mitra, stans ante altare, intingit pollicem dexteræ manus in aqua prædicta per eum benedicta, et cum eo, et aqua huiusmodi facit crucem in medio tabulæ altaris, dicens:

**S**ancti ✠ ficetur hoc altare, in honorem Dei omnipotentis, et gloriosæ Virginis Mariæ, atque omnium Sanctorum, et ad nomen ac memoriam Sancti N. In nomine Pa ✠ tris, et Fi ✠ lii, et Spiritus ✠ sancti. Pax tibi.

Deinde facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba præmissa.

**Sancti ✠ ficetur hoc altare, etc.**

Facit autem primam crucem in dextera parte posteriori altaris, id est, ubi legitur Evangelium, secundam in sinistra parte anteriori transversa primæ, tertiam in dextera anteriori, quartam in sinistra posteriori tertiæ transversa in hunc modum:



Tum Pontifex accedit ad altare secundum, in quo peragit easdem asperiones, quas confecerit super primum. Quo facto, procedit ad tertium altare, deinde ad quartum et sic deinceps ad reliqua altaria, quæ consecranda erunt.

Quo facto, redit ad altare majus, et finitis Antiphona et Psalmo prædictis, Pontifex stans ibidem, deposita mitra, dicit:

**Orémus.** Et ministri: **Flectamus genua.** **R.** Levate.

**S**ingulare illud propitiatorium in altari crucis pro nobis redimendis oblatum, in cujus præfiguratione Patriarcha Jacob lapidem erexit in titulum, quo fieret sacrificium, et portæ cæli desuper aperiretur oraculum; supplices tibi, Domine, preces fundimus, ut lapidum horum expolitam materiam, supernis sacrificiis imbuendam, ipse tuæ ditari sanctificationis ubertate præcipias, qui quondam lapideis legem scripsisti in tabulis. Per Christum Dominum nostrum. **R.** Amen.

Oratione expleta, Pontifex circuit septies tabulam uniuscujusque altaris, aspergens eam, et stipitem de aqua prædicta cum cinere et vino benedicta, cum aspersorio de herba hyssopi facto, hoc modo. Stans enim ante medium primi altaris inchoat Antiphonam, et schola prosequitur:

**Asperges me, Domine.** Quæ tota dicitur, et repetitur cum Psalmo **Miserere**, eo modo, prout supra, pag. 136. de Consecratione altarium in Ecclesiæ Dedicacione ordinatum est. Quo facto, Pontifex stans sine mitra ante medium primi altaris, dicit:

**V.** Domine exaudi orationem meam.

**R.** Et clamor meus ad te veniat.

**V.** Dominus vobiscum. **R.** Et cum spiritu tuo.

**Orémus.**

**D**eus, qui es visibilium rerum omnium et invisibilium conditor, et cunctarum sanctificationum consecrator, ad dedicationem harum Dominicarum mensarum adesse dignare; et quæ sacrato oleo, et Chrismate a nobis indignis sunt linienda, et benedicenda, tuæ sancti ✠ ficationis in eas infunde virtutem et consecrationem; ut omnes qui ad eas te deprecaturi accesserint, tuæ propitiacionis auxilium sentiant. Per Christum Dominum nostrum. **R.** Amen.

Deinde ibidem cum præmissa aqua benedicta facit maltam, seu cæmentum, quod mox deposita mitra benedicit dicens:

¶ Dóminus vobíscum. **R.** Et cum spírítu tuo.

Orémus.

**S**umme Deus, qui summa, et média, ímaque custódis, qui omnem creatúram intrínsecus ambiéndo conclúdis, sancti ✠fica, et béne ✠dic has creatúras calcis, et sábuli. Per Christum Dóminum nostrum.

*Cæmentum benedictum reservatur, sed residuum aquæ benedictæ funditur ad basim, sive pedem stipitis uniuscujusque altaris per circuitum; Pontifex deinde procedit processionaliter cum cruce, et clero ad locum, in quo nocte præterita conservatæ Reliquiæ fuerunt: sed priusquam locum ipsum ingrediatur, stans ab extra deposita mitra, dicit:*

Orémus. Et ministri: **F**lectámus génua. **R.** Leváte.

**A**ufer a nobis, quæsumus Dómine, cunctas iniquitátes nostras; ut ad Sancta Sanctorum puris mereámur méntibus introíre. Per Christum Dóminum nostrum. **R.** Amen.

*Ingressus vero sine mitra, stans juxta, et versus ad Reliquias, dicit:*

Orémus.

**F**ac nos, quæsumus Dómine, Sanctorum tuorum tibi specialiter dedicáta membra digne contíngere, quorum patrocínia cúpimus incessánter habére. Per Christum Dóminum nostrum. **R.** Amen.

*Qua dicta, Pontifex sine mitra accipit reverenter vascula Reliquiarum: tum, accepta mitra, portat eas solemniter et processionaliter ad altaria consecranda; vel, si sint super feretrum, per Sacerdotes ferri facit, inchoans, schola prosequente, Antiphonam.*

Cum jucunditáte exíbitis, et cum gaúdio deducémini, nam et montes, et colles exsílent exspectántes vos cum gaúdio, Allelúja.

*Poterit deinde etiam dici, si expedierit, sequens Responsorium:*

**S**úrgite, Sancti Dei, de mansiónibus vestris, loca sanctificáte, plebem benedicite, \* Et nos hómines peccátóres in pace custodíte. ¶ Ambuláte Sancti Dei ad locum prædestinátum, qui vobis præparátus est. \* Et nos hómines.

*Cumque pervenerit prope ipsa altaria deponit eas reverenter cum luminaribus super feretrum vel aliquam tabulam honeste ibidem paratam, luminaribus juxta illas ardentibus, et mox Pontifex cum mitra stans prope primum altare inchoat, schola seu ministris prosequentibus, Antiphonam.*

Exsultábunt Sancti \* in glória: lætabúntur in cubilibus suis.

**Psalms 149.** Cantáte Dómino cánticum novum: \* laus ejus, ut supra. pag. 146.

Deinde **Ps. 150.** Laudáte Dóminum in Sanctis ejus: \* laudáte eum, ut supra, pag. 146. sine Glória Patri, in fine utriusque, sed his Psalmis dictis, Antiphona repetitur. Qua finita, Pontifex, deposita mitra, stans versus ad primum altare, dicit:

Orémus.

**D**eus, qui in omni loco dominationis tuæ clemens ac benignus dedicátor assístis, exaúdi nos, quæsumus, et concéde, ut in-

violábilis permáneat hujus loci consecrátio; et beneficia tui múnaris, univérsitas fidélium quæ tibi súpplicat, percípere mereátur. Per Christum Dóminum nostrum. **R.** Amen.

*Et mox Pontifex, accepta mitra, signat cum pollice dexteræ manus de Chrismate confessionem, id est, sepulchrum primi altaris, in quo Reliquiæ sunt reponendæ, in quatuor angulis; faciens in singulis signum crucis, et dicens, dum unamquamque crucem facit:*

**C**onse ✠crétur, et sancti ✠ficétur hoc sepúlchrum. In nómine Pa ✠tris, et Fí ✠lii, et Spírítus ✠sancti. Pax huic dómui.

*Deinde, deposita mitra, recondit ibi vasculum cum Reliquiis et aliis in eo inclusis veneranter, inchoans, schola seu ministris prosequentibus, Antiphonam:*

**S**ub altáre Dei \* sedes accepístis, Sancti Dei, intercédite pro nobis ad Dóminum Jesum Christum.

¶ Exsultábunt Sancti in glória.

**R.** Et lætabúntur in cubilibus suis.

*Et non dicitur Glória Patri, sed repetitur Antiphona. Interim dum præmissa dicuntur, Pontifex stans sine mitra, imposito, et benedicto incenso in thuribulo, et illo a Diacono accepto, thurificat Reliquias inclusas: quo facto, imposita sibi mitra, accipiens lapidem, seu tabulam, cum qua debet claudi sepulchrum, facit cum pollice crucem de Chrismate in medio ejus de subtus, dicens:*

**C**onse ✠crétur, et sancti ✠ficétur hæc tábula, (vel hic lapis) per istam unctiónem, et Dei benedictiónem. In nómine Pa ✠tris, et Fí ✠lii, et Spírítus ✠sancti. Pax tibi.

*Et mox ponit, et coaptat tabulam, seu lapidem super sepulchrum, claudens illud, et inchoans, schola seu ministris prosequentibus, Antiphonam:*

Sub altáre Dei \* audivi voces occisórum dicéntium: Quare non deféndis sánguinem nostrum? et accepérunt divinum respósum: Adhuc sustinéte módicum tempus, donec impleátur número fratrum vestrórum.

*Alia Antiphona:*

Córpóra Sanctorum in pace sepúlta sunt: et vivent nómina eórum in ætérnum.

¶ Glória Patri, et Fílio, et Spírítui sancto.

**R.** Sicut erat in princípío et nunc, et semper, et in sæcula sæculórum. Amen.

*Post hæc Pontifex, deposita mitra, dicit:*

Orémus.

**D**eus, qui ex ómnium cohabitacióné Sanctorum ætérnum majestáti tuæ condís habitáculum, da ædificatióni tuæ increménta cœléstia: et præsta; ut quorum hic Reliquias pio amóre compléctimur, eórum semper méritis adjuvémur. Per Christum Dóminum nostrum. **R.** Amen.

*Tunc, accepta mitra Pontifice prius incipiénte, cæmentarii cum cæmento benedicto firmant ipsam tabulam seu lapidem super sepulchrum: deinde Pontifex facit crucem desuper ex Chrismate cum pollice dexteræ manus, dicens:*

**S**igné ✠ tur, et sancti ✠ ficétur hoc altäre. In nómine Pa ✠ tris, et Fi ✠ lii, et Spíritus ✠ sancti. Pax tibi.

Quo facto Pontifex procedit ad secundum altare, ibique omnes actiones iterat, incipiens ab Oratione Deus, qui in omni loco etc. pag. 434. et inchoat, schola prosequente, Antiphonas, quotquot altaria erunt consecranda. Quo facto procedit ad tertium altare, deinde ad quartum, et sic deinceps ad reliqua altaria, quæ erunt consecranda.

Tum Pontifex redit ad altare primum et deposita mitra, inchoat, schola seu ministris prosequentibus, Antiphonam:

Stetit Angelus \* juxta aram templi habens thuribulum aúreum in manu sua; et data sunt ei incénsa multa; et ascéndit fumus aromatum in conspéctu Dei. Allelúja.

Interim cum mitra thurificat primum altare undique ad dexterum et sinistrum latus, ante et desuper. His peractis Pontifex cum thuribulo procedit ad secundum altare, quod thurificat eodem modo ac primum, atque ita porro facit in reliquis. Ultimo altari thurificato redit ad primum altare et stans coram eo sine mitra, dicit:

Orémus.

**D**irigátur orátio nostra, quæsumus Dómine, sicut incénsus in conspéctu tuo, et copiósia beneficia christiánus pópulus assequátur; ut quicumque tibi in his altáribus sacránda libámina devótus obtúlerit, vel sacráta suscepit; et vitæ subsidia præsentis accípiat, et remissionem ómnium peccatórum páriter consequátur, et grátiam sempitérnæ redemptionis percípiat. Per Christum Dóminum nostrum. **R.** Amen.

Post hæc Pontifex, accepta mitra, sedet, et ministri extergunt mensas altarium cum linteis mundis, et mox Pontifex thurificat super primam mensam in modum crucis in medio, et in quatuor ejus cornibus. Postea thurificat super reliqua altaria, ut incensaverit super primum. Quo facto, Pontifex redit ad primum altare et ponit iterum incensum in thuribulo, et illud benedicit, ut supra, videlicet, Ab illo benedicáris, etc. ac tradit uni ex Sacerdotibus superpelliceis indutis, qui continue altare circueunt, incensando, donec consecratio perficiatur, excepto eo tempore, quo Pontifex illa incensat; tunc enim Pontifici thuribulum præsentat; et per Pontificem thurificato, illud iterum accipit, et, ut prius, incensat. Tum Pontifex adhuc cum mitra stans inchoat, schola seu ministris prosequentibus, Responsorium:

Dirigátur \* orátio mea sicut incénsus in conspéctu tuo Dómine.

Ÿ. Elevátio mánuum meárum sacrificium vespertinum.


Quod dum cantatur, Pontifex circuit ter primum altare ad dexteram continue thurificando. Peracta primi altaris thurificatione Pontifex procedit ad secundum altare quod thurificat ut primum, deinde ad reliqua accedit, eodemque modo incensat. Finita incensatione, Pontifex redit ad primum altare et inchoat, schola sive ministris prosequentibus, Antiphonam:

Eréxit Jacob \* lápidem in título, fundens óleum désuper: votum vovit Deo Jacob.

Ps. 83. Quam dilécta. pag. 166.

Et non dicitur Glória Patri, sed Antiphona repetitur. Dum Antiphona et Psalmus prædicti dicuntur, Pontifex stans cum mitra, intingit pollicem dextere

manus in oleum Catechumenorum, et cum eo facit quinque cruces, videlicet in medio altaris, et in quatuor ejus cornibus, in locis in quibus fecerat cruces de aqua benedicta, videlicet primam in medio altaris, secundam in dextero posteriori, id est, Evangelii, tertiam in sinistro anteriori, quartam in dextero anteriori, quintam in sinistro posteriori, hoc ordine:



Dicens dum singulas cruces facit:

**S**ancti ✠ ficétur, et conse ✠ crétur lapis iste. In nómine Pa ✠ tris, et Fi ✠ lii, et Spíritus ✠ sancti, in honórem Dei, et gloriósæ Virgínis Mariæ, atque ómnium Sanctórum, ad nomen, et memóriam Sancti N. Pax tibi.

Postea Pontifex procedit ad secundum altare, in quo peragit unctiones ut in primo atque ita porro.

Absolutis super omnia altaria unctionibus, Pontifex redit ad primum altare et accepto thuribulo a Sacerdote altare incensante, imposito, et benedicto, ut prius, incenso, stans cum mitra inchoat, schola seu ministris prosequentibus, Responsorium:

Dirigátur \* orátio mea sicut incénsus in conspéctu tuo Dómine.

Ÿ. Elevátio mánuum meárum sacrificium vespertinum.

Quo incepto, Pontifex circuit semel primum altare ad dexteram, thurificando illud: deinde procedit ad secundum altare, quod thurificat sicut primum, eodemque modo tertium, quartum et reliqua; restituto thuribulo Sacerdoti redit ad primum altare et Responsorio finito, sine mitra, dicit:

Orémus. Et ministri: Flectámus génua. **R.** Leváte.

**A**dsit, Dómine misericórdiæ tuæ ineffábilis pietas, et super hos lápidem opem tuæ bene ✠ dictionis, et virtútem tuæ unctionis infúnde; ut te largiénte, réferat præmium quisquis intúlerit votum. Per Christum Dóminum nostrum. **R.** Amen.

Oratione finita, Pontifex inchoat, et schola seu ministri prosequuntur, Antiphonam:

Mane surgens Jacob \* erigébat lápidem in título, fundens óleum désuper: votum vovit Dómino: vere locus iste sanctus est, et ego nesciébam.

Ps. 91. Bonum est confitéri. pag. 167.

Et non dicitur Glória Patri, sed Antiphona repetitur. Interim Pontifex, accepta mitra, facit iterum quinque cruces cum pollice de eodem oleo Catechumenorum in eisdem locis primi altaris, et eo ordine, prout prius fecit, dicens, dum singulas cruces facit:

**S**ancti ✠ ficétur et conse ✠ crétur lapis iste. In nómine Pa ✠ tris, et Fi ✠ lii, et Spíritus ✠ sancti, in honórem Dei, et gloriósæ